



Broj: JN-1-01-16-4-28-13/18
Datum: 06. 11. 2018. godine

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 25, člana 70. i člana 72. stav (3) tačka a) i b) Zakona o javnim nabavkama („Službeni glasnik BiH“, broj 39/14), a na Preporuku Komisije za nabavke broj: JN-1-01-16-4-28-12/18 od 31.10.2018. godine u postupku javne nabavke informaciono-tehničke opreme, donosi sljedeću:

ODLUKU
o izboru drugorangiranog ponuđača
za nabavku informaciono-tehničke opreme

Član 1.

Poništava se Odluka o izboru najpovoljnijeg ponuđača za nabavku informaciono-tehničke, broj: JN-1-01-16-4-28-8/18 od 21.09.2018. godine kojom je Ugovor o kupoprodaji informaciono-tehničke opreme dodijeljen ponuđaču IMTEC d.o.o. Sarajevo, sa adresom: Ul. Bosanski put bb, Sarajevo, Ilijaš, ponuda broj: 01071/18-2 od 05.09.2018. godine, a za ponuđenu cijenu nakon e-aukcije 46.420,00 KM bez PDV-a, odnosno 54.311,40 KM sa PDV-om.

Član 2.

Prihvata se Preporuka Komisije za nabavke, broj: JN-1-01-16-4-28-12/18 od 31.10.2018. godine i Ugovor o kupoprodaji informaciono-tehničke opreme dodjeljuje se drugoranigranom ponuđaču ITD d.o.o. Sarajevo, sa adresom: ul. Briješće polje 15, Sarajevo, ponuda broj: 1009-A/2018 od 10.09.2018. godine, za ponuđenu cijenu nakon e-aukcije 46.530,00 KM bez PDV-a, odnosno 54.440,10 KM sa uključenim PDV-om.

Član 3.

Izabrani drugorangirani ponuđač je dužan dostaviti dokaze o kvalifikovanosti u skladu sa članom 45. stav (1) tačke: a) do d) i člana 47. stav (1) tačke c) Zakona o javnim nabavkama i to u roku od 5 (pet) dana nakon što bude obaviješten od strane ugovornog organa o rezultatima postupka nabavke.

Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, postupak javne nabavke će biti poništen u skladu sa Zakonom o javnim nabavkama.

Član 4.

Ugovor o kupoprodaji informaciono-tehničke opreme će se zaključiti sa drugorangiranim ponuđačem nakon uredno dostavljene dokumentacije iz člana 3. ove Odluke i pribavljenog mišljenja Pravobranilaštva BiH. Rok za isporuku robe je 30 (trideset) dana od datuma potpisivanja ugovora tj. od dana kada ugovor stupi na snagu.

Član 5.

Ova Odluka će se objaviti na web stranici Ministarstva (www.mhrr.gov.ba), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Član 6.

Za izvršenje ove odluke se ovlašćuje i zadužuje Sektor za opšte, pravne i finansijsko-materijalne poslove Ministarstva za ljudska prava i izbjeglice BiH.

Član 7.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke informaciono-tehničke opreme, broj: JN-1-01-16-4-28-1/18 od 10.08.2018. godine. Javna nabavka je provedena putem otvorenog postupka za dostavu ponuda za nabavku informaciono-tehničke opreme.

Procijenjena vrijedost javne nabavke bez PDV-a: 46.888,90 KM.

Obavještenje o nabavci, broj: 679-1-1-23-3-22/18 od 13.08.2018. godine na Portalu javnih nabavki. Tenderska dokumentacija, broj: JN-1-01-16-4-28-2/18 od 13.08.2018. godine. Komisija za nabavku imenovana je Odlukom, broj: 01-02-2-116-1/18, od 15.01.2018. godine.

Odlukom o izboru najpovoljnijeg ponuđača, broj: JN-1-01-16-4-28-8/18 od 21.09.2018. godine, kao najpovoljniji ponuđaču u postupku javne nabavke informaciono-tehničke opreme dodjeljen je ugovor dobavljaču IMTEC d.o.o. Sarajevo za ponuđenu cijenu nakon e-aukcije 46.420,00 KM bez PDV-a, odnosno 54.311,40 KM sa PDV-om.

Dana 21.09.2018. godine svim učesnicima u postupku predmetne javne nabavke je dostavljeno Obavještenje o rezultatu postupka javne nabavke, Odluka o izboru najpovoljnijeg ponuđača i Zapisnik o pregledu i ocjeni ponuda.

Izabrani ponuđač IMTEC d.o.o. Sarajevo je bio dužan da u roku od 5 (pet) dana, računajući od dana prijema Odluke o izboru najpovoljnijeg ponuđača dostavi orginale ili ovjerene kopije dokumentacije iz člana 45. stav stav (1) tačke a) do d) i iz člana 47. stav (1) tačke c) Zakona o javnim nabavkama.

Izabrani ponuđač je dostavio tražene dokaze pravovremeno i ispravno. Uvidom u Uvjerenje Uprave za indirektno-neizravno oporezivanje-RC Sarajevo, broj: 02/6/II-16-11-20-5927-1/18 od 01.08.2018. godine, Komisija za nabavke je utvrdila da ponuđač IMTEC d.o.o. Sarajevo ima dospelih a neizmirenih obaveza po osnovu indirektnih poreza, ostalih prihoda i taksi. Nakon toga, izabrani ponuđač "IMTEC" d.o.o. Sarajevo je dostavio dopis, broj: 4125/18 od 27.09.2018. godine u kojem je naveo da je u pitanju greška Uprave za indirektno oporezivanje, a koja se odnosi na Uvjerenje broj: 02/6/II-16-11-20-5927-1/18 od 01.08.2018. godine i u prilogu dostavio Uvjerenje Uprave za indirektno-neizravno oporezivanje-RC Sarajevo, broj: 02/6/II-16-11-20-7583-1/18 od 27.09.2018. godine u kojoj je navedeno da nema dospelih a neizmirenih obaveza po osnovu indirektnih poreza, ostalih prihoda i taksi.

Na osnovu naprijed navedenog, upućen je upit Upravi za indirektno-neizravno oporezivanje-RC Sarajevo kako bi se provjerili navodi izabranog ponuđača IMTEC d.o.o. Sarajevo da je u pitanju greška prilikom izdavanja Uvjerenja od strane Uprave za indirektno-neizravno oporezivanje.

Dana 29.10.2018. godine je zaprimljena Informacija Uprave za indirektno-neizravno oporezivanje-RC Sarajevo, broj: 02/6/II-16-11-20-5927/18 u kojoj je navedeno da je dobavljač obveznik IMTEC d.o.o. Sarajevo na dan 01.08.2018. godine imao dospelih a neizmirenih obaveza po osnovu indirektnih poreza, ostalih prihoda i taksi, da je dug izmirio dana 13.08.2018. godine, a dana 27.09.2018. godine kada je i podnio zahtjev je izdato novo uvjerenje bez duga.

Po pitanju dostavljanja dokaza iz člana 45. Zakona o javnim nabavkama u Tenderskoj dokumentaciji je navedeno sljedeće:

“Dokazi, koje je dužan dostaviti izabrani ponuđač, moraju sadržavati potvrdu da je u momentu predaje ponude ispunjavao uslove koji se traže ovom TD. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 5 (pet) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od 3 (tri) mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.”

Uvjerjenje Uprave za indirektno-neizravno oporezivanje-RC Sarajevo, broj: 02/6/II-16-11-20-7583-1/18 od 27.09.2018. godine dokazuje da IMTEC d.o.o. Sarajevo navedenog datuma nije imao dospjelih a neizmirenih obaveza po osnovu indirektnih poreza, ostalih prihoda i taksi, ali ne i da je u momentu predaje ponude ispunjavao uslove iz člana 45. stav (1) tačka d) Zakona o javnim nabavkama.

Naime, uvidom u Uvjerjenje Uprave za indirektno-neizravno oporezivanje-RC Sarajevo, broj: 02/6/II-16-11-20-5927-1/18 od 01.08.2018. godine utvrđeno je da IMTEC d.o.o. Sarajevo ima dospjelih a neizmirenih obaveza po osnovu indirektnih poreza, ostalih prihoda i taksi.

S tim u vezi, izabrani ponuđač IMTEC d.o.o. Sarajevo nije dostavio dokaz da u momentu predaje ponude, odnosno dana 07.09.2018. godine (kada je Izjava o ispunjenosti uslova iz člana 45. Zakona o javnim nabavkama ovjerena od strane nadležnog organa), nije imao dospjelih a neizmirenih obaveza po osnovu indirektnih poreza, ostalih prihoda i taksi.

Na osnovu naprijed navedenog, Komisija za nabavke je utvrdila da izabrani ponuđač IMTEC d.o.o. Sarajevo nije dostavio dokaz da je u momentu predaje ponude ispunjavao uslove iz člana 45. stav (1) tačka d) Zakona o javnim nabavkama.


Nadalje, ponuđač ITD d.o.o. Sarajevo je u predmetnom postupku javne nabavke informaciono-tehničke opreme drugorangirani i istom se dodjeljuje ugovor, kako slijedi:

Naziv ponuđača	ITD d.o.o. Sarajevo
Sjedište i adresa	Ul. Briješće polje 15, Sarajevo
Ukupna cijena ponude bez PDV-a (nakon e-aukcije)	46.530,00 KM
Podaci o dijelu ugovora koji se daje u podugovoru i podaci o podizvođaču, ako je primjenjivo	Ponuđač ne namjerava sklopiti podugovor sa trećom stranom

Shodno tome, a u skladu sa članom 72. stav (3) tačka a) i b) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku 10 (deset) dana od dana prijema ove Odluke.



**MINISTRICA
Semiha Borovac**

Semiha Borovac

Dostaviti:

- Ponuđačima,
- Sektor za opće, pravne i finansijsko-materijalne poslove,
- a/a